

جریدہ علیہ

مشیتِ جلیلہ اسلامیکہ جریده رسمیه میر

غره رمضان المبارک سنہ ۱۳۳۸

پنجنی سنہ

اون بش کونده بر نشر اولنور

عدد ۶۰

§ لعان ونفی نسبك شرائطی موجوده اولدینی صورتده زوج مزبور حادثه لعان ونفی نسب ایدم بیلیر .
۱۶ ربیع الاول ۱۳۳۸

*
**

آصف امضاسیله ۲۶ ربیع اولال ۳۳۸ تاریخده فتواخانهیه بالورود زید واقف وقف ایتیش اولدینی حیفتلکات وعقاراتک تولیتی وقفنامه سنده اولاد واولاد اولادندن اکبر واصلاح وارشدینه شرط ایتسه اکبر اولادندن اولان عمرو متولی فوت اولدقده اولاد واقفدن اکبر اولان بکر مفلوج اولوب کندینه مالک اولدینی کبی لسانی طولش اولدیندن اوقاف مذکوره یی ادارهدن عاجز اولسه بکرك سنا کوچکی اولان بشر ایسه اولاد واقفدن بکردن ماعداسنک اکبر واصلاح وارشدی اولسه تولیت مذکوره نک بکر ایله بکرك هانکیسنه توجیهی لازم کلوب کلمه چکنه دائر واقع اولان سؤاله جوابدر .
§ مآل استفایه نظراً تولیت مذکوره امور وقفه اعلم اولان بشره توجیه اولنمق اقتضای ایدر .
۱۵ ربیع الاخر ۳۳۸

*
**

ماری امضاسیله ۲۴ کانون اول ۳۳۵ تاریخده فتواخانهیه بالورود زید مسلم هند نصرانیه ایله بعدالازدواج کندی فراشندن حاصل و مزبوره هنددن متولد اولاد لر یی واقیز ایتدیروب نصرانی اوله رق تربیه لرینه موافقت و مزبوره هند ایله آیین نصرانی موجبجه تکرار عقد نکاح ایله زیده نه لازم کور .
§ مآله نظراً مرتد اولان زید مزبوره تجدید ایمان ونکاح لازم اولدینی کبی تعزیرمه وصغار مزبورونک مسلم عداولنسی مقتضیات شرع عایدندر . ۱۸ ربیع الاخر ۳۳۸

قوانین ونظامات

بالعموم محاکم شرعیه نک مقام مشیخته اعاده ارتباطی حقنده قرارنامه
محمد وحیدالدین

ماده : ۱ مخلفات عمومی قساملغیه اموال ایتم و بیت المال مدیرتک کما کان عدلیه

تطارتنه ارتباطلری باقی قالماق اوزره بالعموم محاکم شرعیه نك عدلیه نظارتنه تحویل ارتباطی حقنده کی ۱۸ جمادی الاول ۱۳۳۵ و ۱۲ مارت ۱۳۳۳ تاریخی قانون ملغادر .

ماده : ۲ قاضیه سکرلک و اوقاف محکمه لری داخل اولدینی حالده بالعموم محاکم شرعیه مقام مشیخته ربط اولمشدر .

ماده : ۳ محاکم شرعیه دن صادر اولان اعلانات و حججک منحصرأ مرجع تدقیق و تمیزی اولق اوزره تشکیل ایدلش تمیز شرعی دائره سی نام قدیمی اولان مجلس تدقیقات شرعیه تبدیل اولنهرق کذلک مقام مشیخته ربط ایدلشددر . اشبو مجلس بررئیس ایله القی اعضادن مرکبدر .

ماده : ۴ اعلانات و حجج شرعیه نك تدقیق صک و سبکی کالاول فتواخانه عالیجه و تدقیقات خارجیه سی مجلس تدقیقات شرعیه جه ایفا و مخلفات عمومیه قساملغندن صادر اولان وئائق شرعیه محکمه تمیز حقوق دائره سنده تمیز اولنور .

ماده : ۵ ایکنجی ماده ده ذکر اولنان محاکم شرعیه به متعلق قوانین و نظاماتک اشبو قرارنامه به مخالف اولان احکامی ملغا اولوب احکام سائره سی کماکان مرعیدر .

ماده : ۶ اشبو قرارنامه تاریخ نشرندن اعتبارأ مرعی الاجرادر .

ماده : ۷ اشبو قرارنامه نك اجرا سنه شیخ الاسلام و عدلیه ناظری مأمورددر .

مجلس عمومینک اجتماعنده قانونی تکلیف اولنق اوزره اشبو قرارنامه نك موقع شرعیته وضعی اراده ایلدم .

۱۴ شعبان ۱۳۳۸ ۴ مایس ۱۳۳۶

داخلیه ناظری و شورای دولت	شیخ الاسلام	صدرا عظم و خارجیه ناظری
رئیس وکیل	عبده	و حریه ناظر وکیل
رشید		داماد فرید
نافعه ناظری	معارف ناظری	عدلیه ناظری
جمیل	فخرالدین	علی رشدی
مالیه ناظری	اوقاف همایون ناظری	تجارت و زراعت ناظری
رشاد	عثمان رفعت	حسین رمزی

